



Qeqqata Kommuniata matumuuna Maniitsumi immikkuualuttumi 700-A17.2-mi Ungusiviup Qaavani inissianut siunertalinnut sanaartorfissat saqqummiuppai.

Sanaartorfissat Maniitsumi Ungusivimmi najugaqarfissiamut Kommunip pilersaarusiorfigineqarnerani tapiliussami nr. 35-mi aalajangersakkani ilaatinneqarput.

Immikkuualuttumi 700-17.2-mi ilaqutariinnut ataatsinut illunut illunullu uiguleriiaanut **sanaartorfissat atorneqanngitsut aqqaneq-marluk** saqqummiunneqarput. Sanaartorfissagissaanermut akileeataassutissaq m2-imut 2980 koruuniussasooq aalajangerneqarnikuuvoq.

Sanaartorfissagissaanermut akileeataassutissap annertussusissaa kiisalu sanaartorfissani ataasiakkaani sanaartorneqarsinnaasuni sanaartukkap annertussusissaa ataani allassimapput:

Sanaartorfissap nr.	Sanaartorfissaq ataasiugaangat m2 quleriiaallu amerlassusaat	Sanaartorfissami sanaartorfissagissaanermut akileeataassutissaq (DKK)
1.1 - 1.3	Quleriit ataatsimut affarmullu agguarlugu 150 m2	447.000
2.1 - 2.4	Quleriit marlunni agguarlugu 200 m2	596.000
3.1 - 3.5	Quleriit marlunni agguarlugu 300 m2	894.000

Quppernerup tulliani immikkoortumut nunap assingani takussutissiamit sanaartorfissat inissisimaffiat takuneqarsinnaavoq. Immikkuualuttumi 700-17.2-mi sanaartorfissat sinneri saqqummiussami uani neqeroorutigineqanngillat, immikkoortumi tassani sanaartorfissagissaaneq suli naammassineqanngimmat. Inissiatut sanaartukkat nutaat innaallagissamut, kiassateqarfinnut kuuffissuarmullu attavilersinneqassapput. Qeqqata Kommuniannut Kommunip pilersaarusiorfigineqarneranut 2012-2024-mut Kommunip pilersaarusiorfigineqarnerani tapiliussami nr. 35-mi sanaartukkanut nutaanut aalajangersakkat sinnerini allassimavoq.

Kommunip pilersaarusiorfigineqarnerani tapiliussaq, nunap assinginut atortussanut ilassutaasut il.il. kiisalu qinnuteqartitsinerup ingerlanissaa ukunani www.qeqqata.gl aamma <https://pilersaarut.qeqqata.gl/> takuneqarsinnaapput.

Nunaminertamik inniminniinermut qinnuteqaammut ilanngunneqassapput:

- Sanaartugassatut eqqarsaataasooq qaqugu aallartinneqarnissaanut naammassineqarnissaanullu naatsorsuutigisatut piffissatut pilersaarut.
- Sanaartorfissagissaanermut akileeataaannissamut aningaasartutitnik akiliisinaanermut qinnuteqartup aningaasaqarnikkut piginnaasaanut kiisalu sanaartugassatut eqqarsaataasumik sanaartormerimi nunaminertamik atuisinnaanissaanut uppermarsaat.

Qinnuteqaatit taamaallaat paasissutissanik taakkuninnga ilaqartut ilaatinneqassapput. Paasissutissanut, uppermarsaanissamut qinnuteqarnissallu ingerlanneqarnissatut piimasaaqataasunut nalomissuteqartoqarpat, imaluunniit paasissutissanik sukumiinerusunik pisariaqartitsisoqarpat, Teknikkeqarnermut Avatangiisinullu immikkoortortamut, Kuuttartoq B1077, 3912 Maniitsoq imaluunniit oqarasuaat 702100 atorlugit saaffiginittoqarsinnaavoq.

Qinnuteqaatit immersugaq immersoneqassaaq ugguuna <http://ver1.nunagis.gl/>, kisianni malugalugu qinnuteqaat atsiorsimasooq tunniunneqassaaq. Nunaminertamik inniminniinissaaq pillugu qinnuteqaat Qeqqata Kommuniannut, Teknikkeqarnermut Avatangiisinullu immikkoortortamut tunniunneqassaaq imaluunniit mailimut man.otm@qeqqata.gl. Qinnuteqaat sanaartorfissatut kissaatit pillugit tulleriaarilluni allattukkamik ilaqartinneqarsinnaavoq.

Qinnuteqaatit **2022-mi marlunngorneq apriliip 19-iani nal. 14** tiguneqarsimasut piffissaq eqqortoq tiguneqarsimasutut isigineqassapput. Qinnuteqaatit piffissaq eqqorlugu tiguneqartut tamarmik ataatsikkut tiguneqartutut isigineqassapput. Sanaartorfissanut ataasiakkaanut qinnuteqartut piukkunnartut araliussagaluarpata, agguataarineq makitsinikkut aalajangerneqassaaq.

Qinnuteqarnermut piffissap qaangernerata kingorna sapinngisamik sukkanerpaamik agguataarineq makitsinnaanertu ingerlanneqassapput, tamatuma kingorna nunaminertamik inniminniinermik pigisaqartoq sivisunerpaamik qaammatini pingasuni nunaminertamik atugassinneqarnissamut qinnuteqaammut inniminniinissamut anngussinnaavoq. Sanaartorfissagissaanermut akileeataassutissaq nunaminertamik atugassiilluni Qeqqata Kommuniata ulloq tunniussiffigisaani kingusinnerpaamik akilernerneqassaaq, aammalu nunaminertamik atugassiisummik tunniussineq sioqqullugu akiliisimanermut uppermarsaammik piimasaaqarsinnaanermut kommuni pisinnaatitaavoq.

Qinnuteqartitsinerup piffissaata kingorna suli nunaminertanik atunngisaqartoqarpat, Qeqqata Kommuniannut saaffigininnikkut nunaminertamik atugassinneqarnissaaq pillugu qinnuteqartoqarsinnaavoq.

Inussianersumik inuulluaqqisilluta, Qeqqata Kommunia, Teknikkimut Avatangiisinullu immikkoortortaqarfik, Maniitsoq.



Titartornerinut nassuiaatit / signaturforklaring

- Immikkoortut immikkuualuttullu / Del- og detailområder
- Sanaartorfissat, saqqummiunneqarnikut / Byggerfelter, annoncerede
- Sanaartorfissat, saqqummiunneqarnikuunngitsut / Byggerfelter, ikke-annoncerede
- Biillinut inissiisarfinnut nunaminertaq / Parkeringsareal
- Aqquserngup qeqqaniit uuttorlugu sanaartorfigeqqusaanngitsuq / Byggelinjer
- Aqqusinissanut nunaminertat / Vejareal
- Pinnguarterarfinnut nunaminertat / Areal til legeplads